

# শিক্ষাপ্রতিষ্ঠান খোলার নতুন তারিখ জানাল মন্ত্রণালয়

অনলাইন ডেস্ক

২০ জুন ২০২৪, ০৪:৫১ পিএম



ফাইল ছবি

ঈদুল আজহা ও গ্রীষ্মকালীন ছুটি শেষে আগামী ৩ জুলাই শিক্ষাপ্রতিষ্ঠান খোলার কথা থাকলেও তা কমিয়ে আনা হয়েছে। আগামী ২৬ জুন খুলবে শিক্ষা মন্ত্রণালয়ের অধীনে থাকা মাধ্যমিক ও উচ্চ মাধ্যমিক পর্যায়ের সব ধরনের শিক্ষাপ্রতিষ্ঠান। অর্থাৎ ২৫ জুন পর্যন্ত স্কুল-কলেজ ছুটি থাকছে।

আজ বৃহস্পতিবার শিক্ষামন্ত্রী মহিবুল হাসান চৌধুরীর নেতৃত্বে অনুষ্ঠিত শিক্ষা মন্ত্রণালয়ের বৈঠকে এ সিদ্ধান্ত নেয়া হয়েছে।

বৈঠক থেকে জানানো হয়, এখন থেকে স্কুল-কলেজে সাপ্তাহিক ছুটি শুক্র ও শনিবার দুদিনই বহাল থাকবে।

এবার অধিকাংশ শিক্ষাপ্রতিষ্ঠান ২ জুলাই পর্যন্ত ছুটি ঘোষণা করেছে। তবে অনেক বেসরকারি প্রতিষ্ঠান ২৪ জুন থেকে পাঠদানে ফিরবে। এ অবস্থায় বৈঠকে বসে শিক্ষা মন্ত্রণালয়। সিদ্ধান্ত নেয়া হয়, ২৬ জুন থেকে শিক্ষাপ্রতিষ্ঠান খুলবে।

কারণ হিসেবে বলা হচ্ছে, এবার শিক্ষাপ্রতিষ্ঠানগুলোতে ক্লাস কম হয়েছে। আবার শনিবার থেকে সাপ্তাহিক ছুটি চালু হলে সিলেবাস শেষ করা নিয়ে সমস্যা হতে পারে। তাই ঈদের ছুটি অপরিবর্তিত থাকলেও গরমের ছুটি কমিয়ে দেয়া হলো।

এর আগে শিক্ষামন্ত্রী মহিবুল হাসান চৌধুরী বলেছিলেন, কলেজ সংযুক্ত শিক্ষা প্রতিষ্ঠান ছাড়া মাধ্যমিকপর্যায়ের অন্যান্য প্রতিষ্ঠানে শনিবারের বন্ধ পুনর্বহালের সিদ্ধান্ত নেয়া হয়েছে। ঈদুল আজহার পর প্রজ্ঞাপনের মাধ্যমে জানিয়ে দেয়া হবে।